



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De S. Eugeniano Martyre Augustoduni In Gallia.

[urn:nbn:de:hbz:466:1-72708](#)

DE SANCTIS MARTYRIBUS
**TIMOTHEO, EUCTO SEU POLYEUCTO,
 RUSTICO, PISSEO VEL CIPISEO,**

SECUNDO, LUCIO, FELICE, JANUARIO, PALLADIO.

VIII JANUARII.

De sanctis his Martyribus hæc habet Martyrologium S. Hieronymi : vi Id. In Gracia, Eucti, Rustici, Pissei, Timothei, Secundi, Luci, Felicis, Januari. In ms. quoque Rhinowiensi itidem perantique : In Gracia, Cipisei, Secundi, Timothei, Lucii, Rustici, Timothei plures alii meminere : Beda : Timothei in Gracia. Notkerus : In Gracia Polycti, (ex dubio quin ille sit Euctus jam relatus, voce aut hic per prothesin, aut isthic per aphæresin corrupta) et Palladii (fortassis hic est Palladius, qui vii Januar. Palladas vocatur in S. Hieronymi Martyrologio.) Et quibusdam interjectis pergit Notkerus : In Gracia Rustici, Timothei, et Jucondi. Usuardi editio Lubecensis anni 1473, et Parisiensis 1536. Bellini editio Parisiensis anni 1521, et plurima mss. sub nomine Usuardi : In Gracia S. Timothei. Martyrologium Colonense : In Gracia S. Timothei Confessoris. Carthusian Colonien. in Addit. ad Usuar. et Martyrol. Germanic. In Gracia S. Timothei Confessoris, qui translatus est Constantinopolim ix Maii. At ix Maii ostendunt se de S. Timotheo Pauli discipulo agere, de quo nos xxiv Januarii. At de hoc S. Timotheo et sociis nihil habemus compertum. Timotheus Confessor in Gracia, in eodem Martyrologio Germanico, Maurolyco, Petro de Natalibus lib. 11, cap. 130, § 30, refertur, sed ix Januarii.

DE S. EUGENIANO MARTYRE

AUGUSTODUNI IN GALLIA.

VIII JANUARII.

Se Eugenianum hodie refert Martyrologium Romanum, Usuardus, Bellinus, Maurolycus, Martylor. Germanic. ms. Florarium, Galesinus, qui Augustodini in Gallia martyrium subiisse in Notationibus testatur, uti et Petrus de Natalibus lib. 11, cap. ultimo, num. 29, sed hic v Id. Januar. ejus memorat Natalem. Antiquum ms. Monasterii S. Martini Treviris : v Id. In Augustoduno Eugenii Episcopi et Martyris. Idem habet ms. S. Marie Ultrajecti. Nullum in catalogo Episcoporum Eugenianum vel Euge-

nium reperio, nisi forte inter Martyrium et S. Reticium sederit, nam deesse aliquot Episcoporum nomina suspicatur Claudio. Robertus. Wandelbertus :

Iduum post sexto Eugeniano vota feruntur. Dubitavimus an non fortassis idem esset qui Egemonius, de quo mox agemus. Sed eruditissimus Andreas Saussarius ut diversos celebrat; atque Eugenianum quidem hoc elogio : Augustoduni Aedicularum S. Eugeniani Martyris in strenua concertatione pro fidei testimonio laureati.

**DE S. EGEMONIO VEL IGOMONO,
 EPISCOPO AUGUSTODUNENSI.**

VIII JANUARII.

Soptimus Aeduensis, sive Augustodunensis, Episcopus, memoratur a Claudio Roberto Igomonus, sive Igomonus, aut Aegemonius, vel Egemonius : quem VIII Januarii Sanctorum catalogo adscriptum exhibet Molanus in Additionibus ad Usuardum, Bellini editio Parisiensis anni 1521. Rabanus, Maurolycus, Galesinus, Martyrologium Colonense, in quo perperam Egenio vocatur, uti in Lubecensi Usuardi editione anni 1473. Eugenianus. At Cartusianum Colonensem in Addit. ad Usuard. ita habent : Egmonii, alias Egenionis Augustodunensis Episcopi et Confessoris, alias Martyris. Ferrarius Egmonem vocat. mss. quidam Egemonem, et Egemonem. S. Egemonii meminit et anti-

quissimum ms. Martyrologium S. Hieronymi : Augustoduni depositio Egemoni Episcopi. Meminit ejus et S. Gregorius Turon. De gloria Confessorum cap. 73 et 76. Et Andreas Saussarius in Martyrologio Gallicano : Augustoduni Aedicularum depositio S. Egemonii Episcopi et Confessoris, qui religione et doctrina florentissimus, S. Cassiano hac in cathedra succedens, omni Episcopali virtute, et Pastoralis offici exemplis, gregi sibi credito prefuit. Demumque spectata in multis sanctimonia clarus, divina ut visione fruenteretur, quam vehementer ardebat, migravit ad caelum. De S. Cassiano ejus decessore agemus § Augusti.

DE S. ATTICO EPISCOPO CONSTANTINOPOLITANO.

§ I. Sanctitatis Attici memoria celebris : cultus sacer. Rerum gestarum Scriptores.

AN CH. CXXV.
 VIII JANUARII.
 S. Atticus initio adversatus S. Chrysostomo.

Multi S. Joannem Chrysostomum acri studio impugnarunt, qui tamen errorem deinde suum agnoverunt, atque omni sanctitatis laude floruerunt. In his S. Atticus Episcopus Constantinopolitanus fuit, qui zelo immoderato et nequam secundum scientiam abruptus, non adversatus tantum est S. Chrysostomo, sed post Arsacium in ejus, etiam tum superstitis, Cathedram successit. Quod crimen paenitentia deinde et recte factis egregie expavit, et scriptis litteris auctor S. Cyrillo Alexandrino facti, ut Chrysostomi nomen diptychis inscriberet: quod huc postmodum, partim assiduis S. Isidori Pelusiota admoti-

nitionibus, partim divina revelatione et Virginis Dei Matris benignitate magis exstimalatus, præstit. Erant autem Diptycha, de quibus crebrior hic et atibi mentio fiet, Libri Ecclesiastici, gemini quidem, unde et διπτύχα dicebantur: alter adhuc viventium, in quo a Presbytero vel Diacono nomina illuminatorum et susceptorum scribabantur; alter mortuorum, qui complectebatur nomina, statum, ordinem, obitumque Hierarcharum. De his vivendi Meursius in Glossario, et la Cerdia in Adversariis sacris cap. 42, n. 1 et c. 148, n. 6.

2 S. Attici in repurgandis heresibus vigilantiam, in orthodoxa fide propaganda sinceritatem, predicanter SS. PP. et Cx-Patres Ephesini Concilii. S. Cyrilus variis in epistolis lectino Pontifice.